



partii naleraq

UPA2020/43

20.maj 2020

Jens NapâtôK'

Pissutsit immikkut ittut inuiaqatigiinnut kalaallinut immikkut pingaarutillit (Covid-19 pissutsit) pillugit Naalackersuisut Siulittaasuanit nassuiaat.

(Naalackersuisut Siulittaasuat)

Covid19 tassalu nualluussuaq pillugu pissutsit immikkut ittut pillugit inuiaqatigiinnut kalaallinut immikkut pingaarutillit pillugit Naalackersuisut siulittaasuanit nassuiaat Partii Naleqqamiit imaattumik oqaaaseqarfigissavarput.

Nualluussuaq malinnaavigaarput Kina-miit nunarsuup sinneranut siuaruaannera, aammalu europa-mut anngunnera. Inuiaqatigiinnut aammalu minnerunngitsumik inuiaqatigiinnut sunniutai qanoq annertutigisut ingerlaannaq takusinnaangorsimavagut aammalu takutitsillutik qanoq iliuuseqarasuartariaqartugut nunap inui illersussagutsigit.

Partii Naleqqamiit nalilersuisarnitsinni piaartumik takusinnaalersimavarput imaannaanngitsumik ornitaqarluta aammalu peqqinnissaqarfitta innuttaasunut kiffartuussinera siuarsimalersimagaluarluni ilaatigut aporfippassuaqartarnera aammalu nakorsaqqanngitsunik inoqarfinnik amerlasuunik nunarput inissisimaffiunera tunngavigalugu iliuuseqartoqartariaqarneranik noqqaasimavugut.

Tassa Ukioq manna 2020 nualluussuup Covid-19-ip Nunarsuaq tamakkerlugu nunarpassuit inuppasuillu sakkortuumik eqqorpaatigut, nunat ilaanni ilaatigut sakkortoorujussuarmik eqquisoqarluni inuppasuut annaaneqarneranik kinguneqartumik.

Taamammat nualluussuaq taanna ilisimatuussutikkut aamma nutaarluinnartut takkuttoq pillugu Nunarsuarnioqatigiittut ataatsimoorussamik akiornissaa pisariaqarluinnarmat FN soorunami siuttoralugu aamma nunat akornanni ikioqatigiiffiusumik akiuinerit sullissinerillu ingerlanneqarnerisigut immaqa naatsorsuutigineqarsinnaasumiik sukkanerusumik maannakut aniguiartuaarneq ingerlanneqalerpoq, qujanartumik.

Aamma uagut pinngitsoorusunngilagut Nunatsinni innuttaasut partiillu allat qutsavigissallugit Covid-19-imik akiuiniarnermi suleqatigiilluarnerput pillugu, naak ilaatigut Naalackersuisugut arlalitsigut utaqqinarsisaraluartut, aaliangernaveertaraluartut taamatullu kingusippallaamik aaliangerniartaraluartut nikallujaanneq isumalluarnerlu anersaaralugit ingerlaarnitta tamatta atugarisatta ajornerulinnginnissaat angusinnaasimavarput.



partii naleraq

Nunatsinni eqqugaanerput nunarpassuarnut allanut naleqqiulluta annikinneeraasut oqaatigisariaqarpoq. Taamatut inississinnaanitsinnut pissutaasut pingaarnersaraat Nunarsuarmi Nunatta inissisimanagera, tassa qeqertatut immikkuullarissutut inissisimagatta aqqutillu marluinnaat atorlugit silaannakkut avataaniit isaavigineqarsinnaalluta. Imaatigullu angallanneq uagut nammineerluta tamakkiisumik ingerlallutigu aqqutit aalajangersimaqqissaartut atorlugit ingerlallutigu.

Immikkullu taasariaqarparput Nunatta imartaani, sinerissap qanittuani avataanilu aalisarnikkut ingerlatsinerit qujanartumik peqqissaartumik aalisarnermik ingerlatsisugut suleqatigilluarlugit ingerlanneqarsinnaammata, maannakkumut ulorianartorsiorfiunngitsumik inissisimagallarsinnarpugut.

Aap, nunatsinni peqqinnissaqarfimmi sulisugut maannakkumut annertoorsuarmik sakkortuumillu naapitaqarfiunngikkaluartoq, kisianni piareersimaniarnitsinnut upalugaarsimanitsinnut qasusuillutik suliaqartuarnertat qujassutissaavoq annertoq, tamatta toqqissisimalluta inooqataaniarnitsinnut iluaqutaqaqisumik.

Qujanartumik ullumikkut Nunatsinni tunillatikkaluartut tamarmik aqqissimapput, taamaalliluta ullumikkut Nunatsinni Innuttaasugut akornatsinni tunillatsissimasoqarata. Aap Naalackersuisut oqarnerattut maannakkut piffissanngorpoq nunatta avammut ammaakkiartornissaanut, soorlu aamma nunat allat qanitavullu ammassiartorlutik aallartereersut.

Kisiannili eqqaamajuassavarput Nualluussuaq Covid-19 Nunarsuarmi atugaalermat takkuteqqittartussa, soorlu aamma nualluutit allat taamaattut. Taamaattumik inuiaqatigiitut silliaffiguagassaraarput aamma qanoq iliuutsivut eqqarsaatigalugit aqullugillu. Minnerunngitsumik maannakkumut suli Covid-19-imut akiuussutissaamik nassaartoqanngimmat, aammalu piffissami qaninnerusumi nassaartoqarnissaa ilimagineqarpallaarani suli.

Tamatuma takutippaa mianerisassat suli amerlasuujusut, aammalu uagut nunatsinni ikittunnguulluta siammassisorujussuarmi najugaqarnerput eqqaamajuassavarput, qanoq iliuusissatsit aalajangersaasarnissatsinni, aamma maannakkut aalajangersaanissatsinni.

Partii Naleqqamiit isumaqarpugut Naalackersuisut nassiuiaatimikkut saqqummiussa at Danmarkimi qanoq iliuusissatut pilersaarutaasunik aallaaveqarpallaartoq, uagut nammineerluta maani nunatsinni qanoq iliuusissat nunatsinnut nunap inuinnull qanoq najugaqarnerinut naleqqussakkamik pilersaaruteqarnissarput pivallaarnagu. Imminut allaviunngippallaarpugut, Qallunaat nunaanni pissutsit aallaaviuvallaarapagut ilaaginnapllaarlugillu. Nammineq aallaavigaluta qanoq iliuusissarsiorteriaqarpugut



Partii Naleqqamiit siunnersuutigarpuit Covid-19-ip nunarsuarmi tamakkiisumik aqunneqarsinnaannginnerata nalaani silaannakkut angallannermi Kangerlussuup kisimi avataaniit isaavittut atorneqarnissaa.

Taamaaliornikkut nunatsinnut avataaniik tikittunik nakkutilliinerit tunillatsissimasinnaanermik misissuinerit isaavik ataasiinnaq atorlugu ingerlasinnaagatsigit, ajoquteqanngikkaagatalu nunatsinni sumunnarfiiñut ingerlateqqissinnaasarumaarlutigit, nunatsinni innuttaasunut ulorianartorsiortitsinnginnissaat qulakkeereerlugu. Isumaqarpugut taamaaliornikkut Inuiaqatigiit ikittunnguugatta immitsinnut illersornissarpuit pisariaqartoq, nalunnginnatsigu oqaluttuarisaanitsinni nappaasuit tunillaassuuttaartut nugugajaavittarsimagaatigit.

Aap, Kangerlussuup taamatut atornissaa akeqassaaq, kisianni nalunngilarput maannakkut Covid-19-imut tunngatillugu misissuisarnerit sukkasuumik pisariittumik sukumiisumillu nunarpassuarni ingerlanneqalereersut atorluarneqarsinnaasut, aamma pisariaqassappat Kangerlussuarmi siniffippassuaqareerpoq ineerarpassuaqarlunilu atorluarneqarsinnaasunik, taamatullu sulii amerlisarneqarsinnaallutik. Kiisalu kangerlussuaq angallannikkut nunatta qeqqaniikkami sinerissamiit tamanit pisariunngitsumik tikiñneqarsinnaajuannartoq tamatta nalunngilarput, tamannalu atorluartariaqarluni.

Eqqaamatigu Covid-19-ip nunarsuarmi angallannikkut pissutsit takornariaqarnikkullu pissutsit allanngorterujussuarmagit, taamaattumik Nunatsinni angallannikkut mittarfissuarnik pilersaarutaasunik naleqqussaaqqinnissarpuit avaqqunneqarsinnaanngilaq. Qanorluunniit maannaku inissisimasoqaraluarpat tamanna pisariqarpoq, tassami nunarsuarmi aningaasaqarnikkut pissutsit allanngorput, aamma nunarsuarmi inuit angalariaasiat allanngorujussuareerpoq, taamaammat aningaasatigit ajutoorujussuarnissarpuit ukiorpassuarni immitsinnut nammatassanngortissanngikkutigu, nunatta pisuussutai uumaatsut qularnaveeqqusiussuullugit avataaniit aningaasarpassuarnik attartortualissanngikkutta ingerlatsinikkut sanaartornikkullu aningaasartuutikillisaasariaqarpugut, qanorluunniit pilerigisarpassuagut inissisimagaluarpata.

Kisianni eqqaamassavarput Nunatsinni pisuussuteqaratta nunarsuarmi miguinnerpaanik aalisakkanik qalerualinnillu nunarsuarmi isumalluutaalluurtunik, taakku paarilluarlugit pikkorilluta niuerutigilluarutigit tamatigit ingerlaqqittuarsinnaanerput periarfissarpassuaqarpoq.



partii naleraq

Kalaallit Nunatsiini immikkut eqqarsariaaseqarluta nunat allat suleqatigalugit ingerlaaqittariaqarpugut, nunarsuarmi allanik pigineqanngitsumik issittumi inissisimasumik nunaqarpugut, nunarsuaq qaqortoq, qorsooqqissortaartoq qaqqartoorlu nunarsuarmi mingunnerpaaq pigaarput, allat taamaatumik pigisaqanngillat. Uagununa nunarput immikkuullarissumik inoqartoq taakku aallavigalugit taakkulu avatangiiserisai aallaavigalugit pilersaarusoqqinnitsinni tamakku tunaartariaqarluinnaripput Partii Naleqqamiit isumaqarpugut.

Taamaammat immitsinnut susinnaanngitsutut qanoq iliuuseqarsinnaangitsutut inississorata ingerlaqqissaagut sapinngilagut.

Qujanaq